

No. 189. 1436. 16. Mai.

Der Rath stellt dem Juden Abraham, Jordan dessen Schwiegersohn und ihren Familien auf Grund des von Herzog Wilhelm erlangten Schutz- und Freiheitsbriefes einen Aufnahmebrief aus.

Wir ratmanne vnde gesworne zcu Lipczk bekennen, das wir mit willen vnde wissen drier rethe vnde der gemeyne vnde von befulunge wegen des hochgebornen fursten vnde hern hern Wilhelms hercogen [zcu] Sachßen, lantgrauen in Doringen vnde maregrauen zcu Miessin vnsers gnedigen hern vnde der gestrengen Conrade vom Steyn vnde Mertin von Berenwalde des gnanten vnsers gnedigen hern vorweser, vnde ouch durch gunst vnde dinste willen, die Abraham iude der stat Lipczk dicke vnde vil gethan hat vnde nach thun wirt vnde mag, denselben Abraham ioden iczunt zcu Lipczk wanhaftig, Jordan syner tochter man, ire wib kinder vnde gesinde, mit sampt alle iren gutern empfangen vnde die bie vns in der stat zcu wonen uffgenommen haben, also das wir mit hulffe des gnanten vnsers gnedigen [hern] vnde syner vorweser obgnant die egnanten ioden vnde iodynnen, [die] bie vns in der stat Lipczk [wanhaftig sin], vnde ire guter in wichbilde gelegen¹⁾ schutetzen, in helffen raten vnde vortedingen wollen zcu gliche vnde rechte noch vnserm vermogen vnde [so] wir best mogen, nach lute vnde inhaltunge des briues, den vns der gnante vnser gnedige her vnde syne vorweser dorobir vorsigilt gegeben haben, ane geuerde, vzslossen der sachen mit den Waltheym, Kudorffen vnde Hotrittynne, vnde ab er vor die heymlichen, ader geistlichen gerichte geladen were, vor das concilium adir den babist, vnde das Abraham, syner tochter man, ire wiber vnde kinth keyn kouffmans gut adir pfant in gesatzt vorkouffen sullen, denne mit wissen des ratis ꝛ. Wir wollen ouch den gnanten ioden vnde iodynnen solliche geleite, als danne vnser gnedige her vnde syne vorweser in gegeben haben, festlichen helffin schutetzen vnde vortedingen, das alle zeit, wenne man eynen nuwen rath vorkundiget vnde setezet, der ganczen gemeyne, vnde uff andire zciit, wenne das deme sitzende rathe bequeme duncket, solliche geleite vorkundigen lazin. Ouch so gebin wir den gnanten ioden vnser frie vnde sicher geleite bynnen der stat Lipczk vngeuerlichen in craft diß briues vor alle den, die durch vnsern willen thun vnde lazin wollen, alle die zciit, als der iode von vnserm hern vnde synen vorwesern uffk... vnde in vnsern vorteding vnde schutetz geantwort ist ane geuerde. Dorumme sollen die gnanten ioden vnde iodynnen vff vnser rathuß alle iar ierlichen die wile sie bie vns wonen vnser stat uff itzlichen senthe Mertins tag vor stat recht geben sechzic gute Rynische gulden adir y vor den gulden XX nuwe schildechte gr. Fribergischer muntze, vnde sollen denne do mitte von vns aller sture bethe dinste vnde ander beswerunge emprochen sin ane geuerde. Vnde nemlichen von den husern, die sie itzunt haben an der Fyhofes ecken biß an Matthiß Schultheissen hoff zcu rechen, sal solliche fryheit vor die vorgeschriben LX gulden adir XX schock nuwer gr. zcu statrechte stehin, wurden sie aber mehir erbe innemen mit wissen vnde willen der rethe, douon

1) Or. *gelegen vnde wanhaftig sin.*